摛藻堂四庫

全書

薈

曾要

子部

欽定四庫全書管要 寺部

(羅)

詳校官主事日陳木

畏死遠難降北之民也而世尊之曰貴生之士學道立 一飲定四庫全書舊要卷一萬三百九十四子部 方離法之民也而世尊之曰文學之士遊居厚養年食 六反第四十六 · 定日東公告 -韓非子卷十八 六反第四十六 經第四十八 說第四十七 韓非子

之民也重命畏事尊上之民也而世少之曰怯懾之 譽之士此六民者世之所譽也赴險殉誠死節之民而 寡能之民也嘉厚純粹整穀之民也而世少之日愚 之民也而世尊之曰有能之士語曲年知偽許之民也 世少之日失計之民也寡開從令全法之民也而世少 世尊之日辯智之士行級攻殺暴傲之民也而世尊 日磏勇之士活賊匿姦當死之民也而世等之曰 随之民也力作而食生利之民也而世少之口 ととい

六民者世之所毀也姦偽無益之民六而世譽之如彼 耕戰有益之民六而世段之如此此之謂六反布衣循 也挫贼遏姦明上之民也而世少之曰讇讒之民也此 宜賞之士索國之富強不可得也古者有諺曰為政 利而譽之世主聽虚聲而禮之禮之所在利必加馬 定回車全書 也雖有弃髮必為之爱要弄髮之費而忘長髮之利 馬故名賞在乎私惡當罪之民而毀害在乎公善 循私害而訾之世主壅於俗而賤之賤之所在害 韓非子

郄 出父母之懷祖然男子受賀女子殺之者處其後便 今上下之接無子父之澤而欲以行義禁下則交必有 之長利也故父母之於子也猶用計算之心以相待也 不 彈座者痛飲樂者苦為苦燃之故不彈座飲樂則身 知權者也 矣且父母之於子也產男則相賀產女則殺之此 况無父子之澤乎 活病不已矣 俱 計

主不受也聖人之治也審於法禁法禁明著則官法必 成矣富貴者人臣之大利也人臣挟大利以從事故 以聽治故其任官者當能其賞罰無私使士民明馬盡 而霸王之業成矣霸王者人主之大利也人主挟大利 於賞罰賞罰不阿則民用官官治則國富國富則兵强 人主之過父母之親也此不熟於論思詐而誣也故明 致死則功伐可立而爵禄可致爵禄致而富貴之業

足日華全書 人

,群非,子

今學者之說人主也皆去求利之心出相愛之道是求

以霸王矣 行危至死其力盡而不望此謂君不仁臣不忠則不可

貸於幽隱雖曾史可疑也懸百金於市雖大盗不取也 夫姦必知則備必誅則止不知則肆不誅則行夫陳輕 明主之治國也衆其守而重其罪使民以法禁而不 知則曾史可疑於幽隱必知則大盗不取懸金於市

於民無爱令之行於民也萬父母父母積爱而令窮吏 以廉止母之爱子也倍父父令之行於子者十母吏之

主知之故不養恩愛之心而增威嚴之勢故母厚愛處 今家人之治産也相忍以饑寒相强以勞苦雖犯軍旅 子多敗推爱也推行父薄爱教笞子多善用嚴也 子於安利而不聽君以無愛利求民之死力而令行明 之於民也有難則用其死安平則盡其力親以厚愛関 於子也動作則欲其安利也行身則欲其遠罪也君上 威嚴而民聽從嚴愛之策亦可決矣且父母之所以求 定四車全書 難饑饉之患温衣美食者必是家也相憐以衣食相

道前告而長利仁之為道偷樂而後窮聖人權其輕重 惡亂亂者治之及也是故欲治甚者其賞必厚矣其惡 言皆曰輕刑此亂亡之術也凡賞罰之必者勸禁也賞 惠以供樂天饑歲荒嫁妻賣子者必是家也故法之為 必惡害害者利之及也及於所欲馬得無惡欲治者必 出其大利故用法之相忍而弃仁人之相憐也學者之 厚則所欲之得也疾罰重則所惠之禁也急夫欲利者

亂甚者其罰必重矣令取於輕刑者其惡亂不甚也其

欲治又不甚也其欲治又不甚也者此非特無術也 甘利未賞者慕業是報一人之功而勸境內之衆也欲 以為治也重罰者盗賊也而悼懼者良民也欲治者奚 者是治胥靡也故曰重一姦之罪而止境内之邪此所 治所換也者是治死人也刑盜非治所刑也治所刑 重刑者非為罪人也明主之法揆也治賊非治所揆 疑於重刑若夫厚賞者非獨賞功也又勸一國受賞者 乃無行是故决賢不肖愚智之分在賞罰之輕重且夫

欽

定四庫全書

基韓 十非 八子

五

必 所 而 ンス 近姦 利者 姦 バス 者小也民慕其利而 曰不躓於 輕 必止者也所謂 盡止姦盡止則此奚傷於民也所謂 止也 何 細而上之所 必於重哉此不察於治者也夫以重止者未 山而 汉 輕 躓於垤山者大故 止者必以重止矣是以上 輕 加 傲 馬者大也民 刑者姦之所利 其 八罪故姦 人順 不止也 不以 者 大上之 重 بخ 1, 故先聖 垤 利 刑者姦 設 重 微 加 大 所 刑 Ž 罪 有 者 カロ

何

一般於厚賞今不知治者皆曰重

刑傷民輕刑

是以輕罪之為民道也非亂國也則設民陷也此則可 之也犯而誅之是為民設陷也是故輕罪者民之垤也 人易之也今輕刑罰民必易之犯而不誅是驅國而弃

謂傷民矣 今學者皆道書炭之頌語不察當世之實事曰上不爱

民賦飲常重則用不足而下怨上故天下大亂此以為 足其財用以加愛馬雖輕刑罰可以治也此言不然矣

凡人之取重賞罰固已足之之後也雖財用足而厚爱

肄非子

之然而輕刑猶之亂也夫當家之爱子財貨足用財貨 求於足之外者老聃也今以為足民而可以治是以民 老聃有言曰知足不辱知止不殆夫以殆辱之故而不 也夫民之不及神農曽史亦明矣 也凡人之生也財用足則聚於用力上懦治則肆於 用則輕用輕用則侈泰親爱之則不忍不忍則驕 泰則家貧驕恣則行暴此則財用足而爱厚輕利之 非財用足而力作者神農也上治儒 而行修者曾史

上欽

定四庫全書

富厚其爵禄以盡賢能重其刑罰以禁姦邪使民以力 為皆如老聃也故禁貴在天子而不足於尊富有四海 明主之治國也適其時事以致財物論其稅賦以均食 祭 未必以為天子為足也則雖足民何可以為治也故 人皆寐則盲者不知皆嘿則暗者不知覺而使之視問 此帝王之政也 得富以事致贵以過受罪以功致賞而不念慈恵之賜 之内而不足於實君人者雖足民不能足使為天子而 定日車全書一个 韓非子

之是不須視而定明也不待對而定辯也暗盲者不得 故官職者能士之鼎俎也任之以事而愚智分矣故 身不任而自飾以為高世主眩其辯濫其高而尊貴 責其功則無術不肯者窮矣夫欲得力士而聽其自 使之對則暗首者窮矣不聽其言也則無術者不知 者得於不用不肖者得於不任言不用而自文以為 任其身也則不肖者不知聽其言而求其當任其身 庸人與烏獲不可别也授之以鼎俎則罷健效矣 無

矣明主聽其言必責其用觀其行必求其功然則虚舊 難使也有行者法制毀也有依者官職曠也高傲者民 身謂之君子枉法曲親謂之有行弃官寵交謂之有俠 為故人行私謂之不弃以公財分施謂之仁人輕禄重 之學不談於經之行不飾矣 之得民不弃者吏有姦也仁人者公財損也君子者民 離世遁上謂之高傲交爭逆令謂之剛材行恵取眾謂 八說第四十七 牌非子

欽 乗勢之資而為其私急則君必欺馬為智者之不可信 士者未必信也為多其智因惑其信也以智士之計處 敗人君之所任非辯智則修潔也任人者使有勢也智 任人以事存已治亂之機也無術以任人無所任而不 國之無危亂不可得矣 之公利也人主不察社稷之利害而用匹夫之私譽索 夫之私譽人主之大敗也反此八者匹夫之私毀人主 不事也剛材者令不行也得民者君上孤也此八者匹 定四庫全書 察士然後能知之不可以為令夫民不盡察賢者然後 事智者不敢欺愚者不得斷則事無失矣 而授事察端而觀失有過者罪有能者得故愚者不任 必亂矣故無術以用人任智則君欺任修則君事亂此 感其智以愚人之所惛處治事之官而為其所然則事 也故任修士 者使斷事也修士者未必智為潔其身因 無門戶人其能故智者不得詐欺計功而行賞程能 術之患也明君之道賤德義貴法術倒言而說使祭

田田東公共

幹非子

博習辯智如孔墨孔墨不耕 如曾史曾史不戰攻則國何利馬匹夫有私便人主有 雖賢不可以為耕戰之士故人主之察智士能盡其辯 遠功之行索國之富强不可得也 馬人主之所尊能士盡其行馬今世主察無用之群尊 焦華角天下之所賢也能焦木枯立死 察也千世亂而卒不決雖察而不可以為官職之令鮑 能行之不可以為法夫民不盡賢楊朱墨翟天下之所 **耨則國何得馬修孝寡欲** 木華角赴河

修則民之産利也情夫貴文學以疑法尊行修以貳功 貴文學則民之所師法也疑賞功以勸民也而又尊行 法度塞私便而一功勞此公利也錯法以道民也而又 措笏干戚不適有方鐵銛言國軍 趨發干城距衝不若埋穴伏豪古人亟於德中世逐於 索國之富强不可得也 公利不作而養足不仕而名顯此私便也息文學而明 也登降周旋不遠日中奏百狸首射候不當强弩 華丘等 韓非子 戚異 之器舞方 夫也 方言 楯搢

智當今争於力古者寡事而備簡樸陋而不盡故有珧 者然則行揖讓高慈恵而道仁厚皆推政也處多事之 者人寡而相親物多而輕利易讓故有揖讓而傳天下 銚 而事成則立之事成而有害權其害而功多則為之無 軌非也聖人之治也故智者不垂推車聖人不行推 用寡事之器非智者之備也當大爭之世而循择 而推車者以廣為姚 法所以制事事所以名功也法立而有難權其難 即屬 巻十八 推銚 輪音 也挑 上古摩屋而執轉到削之

於用者故聖人不求無害之言而務無益之事人之不 難之法無害之功天下無有也是以拔千丈之都敢十 事衙石者非貞廣而遠利也石不能為人多少衡不能 權之言也是以說有必立而曠於實者言有辭拙而 萬之衆死傷者軍之無無謂其甲兵折挫士平死傷而 欽 聖有言曰規有摩而水有波我欲更之無奈之何此通 除者傷血肉為人見其難因釋其業是無術之事也先 賀戰勝得地者出其小害計其大利也夫沐者有弃髮 定四庫全書一人 美幹トルチ 急

事醫則疑於死慈母雖愛無益於振刑殺死則存子者 慈母之於弱子也爱不可為前不可 枉法吏不敢為私利貨賂不行者是境內之事盡如衡 求清潔之吏而務必知之術 非爱也子母之性爱也臣主之權矣也母不能以爱存 也此其臣有姦者必知知者必誅是以有道之主不 行使之隨師有惡病使之事醫不隨師則陷於刑不 业 之也然而 弱子有

為人輕重求索不能得故人不事也明主之國官不敢

内 故謹於聽治富强之法也明其法禁察其謀計法明 家君安能以愛持國明主者通於富强則可以得欲矣 則 無變亂之患計得則外無死房之禍故存國者非 則 下怨其上妄誅則民将背叛故仁人在位下肆而 也仁者慈惠而輕財者也暴者心毅而易誅者也慈 禁法偷幸而望於上暴人在位則法令妄而臣主乖 加於人不忍則罰多宥赦好與則賞多無功憎心見 不忍輕財則好與心毅則僧心見於下易誅則妄

韓非子

書約而弟子辯法省而民訟簡是以聖人之書必著論 無處孕前言而責後功愚者之所易也明主操愚者之 不務本作而好未事道虚恵以說民此勸飯之說勸飯 生栗而勸貸施賞賜不能為富民者也今學者之言也 民怨而亂心生故曰仁暴者皆亡國者也 明主之法必詳事盡思慮祸得失智者之所難也無思 之説明主不受也 不能具美食而勸餓人飯不能為活餓者也不能辟草

鉑

定四庫全書

意欲不宰於君則不可使也今生殺之柄在大臣而 宰尹矣上下清濁不以耳 斷而決於樂正則瞽工輕 而重於樂正矣治國是非不以術斷而决於寵人則 人不衣不食而不饑不寒又不惡死則無事上之 於國者也 輕君而重於龍人矣人主不親觀聽而制斷在下託 甘鹹淡不以口斷而決於宰尹則 易以責智者之所難故智慮力勞不用而國治也 <u>ا</u> The state of 韓非子 厨人輕君而重 臣

說人不能利惡人不能害索人欲畏重已不可得也 威萬金之家必不用其富厚而與監門同資有上之君 而官大也重臣者言聽而力多者也明主之國遷官襲 驕人主輕下曰暴行理同實下以受譽上以得非人臣 得人主大已明主之國有貴臣無重臣貴臣者爵尊 臣肆意陳欲曰侠人主肆意陳欲曰亂人臣輕上曰

令得行者未當有也虎豹必不用其爪牙而與鼷鼠同

級官爵受功故有貴臣言不度行而有偽必誅故無重

罰可用則禁令可立禁令可立而治道具矣君執柄以處 留說而計故聽言不然則權分乎姦智術不用則君窮乎 無度則權漬賞罰下共則成分是以明主不懷愛而聽不 勢故令行禁止柄者殺生之制也勢者勝眾之資也廢置 臣也 臣故明主之行制也天河中其用人也鬼如思之天則 凡治天下必因人情人情者有好惡故賞罰可用賞 (經第四十八

אנו פו שבו על שווים (או

韓非子

二力不敵衆智不盡物與其用一人不如用一國用 賞同罰異賞莫如厚使民利之譽莫如美使民祭之 禁誅於私家不害公罪實罰必知之知之道盡矣 賢罰暴舉善之至者也賞暴罰賢舉惡之至者也是謂 如重使民畏之毀莫如惡使民耻之然後一行其法 四月百世 勢天之用不 因情 也敢 鬼 智目 毀譽一行而不議致譽一 則不因 能既 困陰 之客 誰 行教嚴逆而不 議故賞

留 **悖於前則愚智不分不公會則** 任其罪君人者合符猶不 以言陳之由必有炭籍結智者事發而驗結能者功 則 自 以事至而結智 取一聽 成敗有 下君盡已之能中君盡人之力上君盡人之 用 カ 國 則 徵賞罰隨之事成則君收其功規則 池 故智力敵而羣物勝揣中則私勞不 毋墮壑之累故使之諷 一聽 而 公會聽 親而况於力乎事智猶 猶豫而 不 **远 諷 定 而** 一 則後悖於前 不 斷 不 斷 不怒是 則 則事 不 智 見 臣

ŗ

E

Þ

全書 一

·鲜 非子

立

則 也主母后 主審公私之分審利害之地姦 君神 况 臣主之異利者王以異為同者叔與共事者 於懸乎故非用人也不取 施異等后姬不疑 者則 主道 君神 賢子 則擅 姬 結一 則下盡下盡則臣上不四 子 虚國 智日 姓 名大 弟 掩匠 出 主任吏責臣主母不不兄大臣顯賢主母君 君代 赵十 分勢不貳庶適不爭 同 乃無 同 則 君而主道畢矣 所 君 乘 怒使人 亂之. 不 則幼 强稱 相 所 軓廢 殺 庶制 生 责亂逼后 故 用

j!

任大者以三節持之曰質曰鎮曰固親戚妻子質也 亂臣之所因也外國之置諸吏者誅其親暱重部則 因 口畏 籍不失兄弟不侵 籍矣爵禄循功請者俱罪則內不因矣外不籍內 厚而必鎮也祭伍貴帑固也賢者止於質貪養化 則姦完塞矣官襲節而進以至大任智也其位至而 禁賞必行顯賢不亂臣有二因謂外內 威 内口爱所畏之求得所愛之言聽此 牌准子 國籍不下不一門大臣不 <u>ት</u> 不

止是非不泄說諫不通而易乃不用父兄賢良播出曰 之人起大臣兩重提衡而不跨口卷禍其患家隆劫殺 疑辱之心生厳怒持罪而不發曰增亂其患徼幸妄舉 陰姦也緊曰詭詭曰易易均而賞見罪而罰而詭乃 徑之生害事死傷名則行飲食不然而與其讎此謂 姦邪窮於固忍不制則下失小不除則大誅名實當 定四庫全書 福其患鄰敵多資像辱之人近習曰 那賊其患發念

難作脱易不自神曰彈威其患賊夫酰毒之亂起此

之前不及其衆觀聽之勢其徵在比周而賞異也誅罰 必 爱则起内若藥 則治生於外則亂是以明主以功論之內而以利資之 四参伍之道行参以謀多揆伍以責失行參必拆揆伍 五患者人主之不知則有劫殺之事廢置之事生於內 怒不拆則濱上不怒則相和拆之微足以知多寡怒 是故國治而敵亂即亂亡之道臣憎則起外者眩臣 起). J. ... 亂 亂一起日 解非子 ナと

鈁 其澤執見以得非常一用以務近習重言以懼遠使 罪同言會衆端必撰之以地謀之以天驗之於物參 異以易其慮似類則合其參陳過則明其固知罪 以人四徵者符乃可以觀矣參言以知其誠易視以 埞 直諂宣聞以通未見作關以散朋黨深一以警衆心 往以悉其前即通以知其內 匹 庳 網獨為舉錯以觀姦動明說以誘避過甲適以 能使以絕贖泄倒言以當所 全書 疏置以知其外 疑論及以得陰姦 握明以

五明主其務在周察是以喜見則德償怒見則威分故 官媛此之謂條達之道言通事泄則術不行 其上相室約其廷臣廷臣約其官屬兵士約其軍吏遣 明王之言隔塞而不通周密而不見故以一得十者下 使約其行介縣令約其辟吏郎中約其左右后姬約其 立道

也以十得一者上道也明主兼行上下故姦無所失

J. 1 ...

韓非子

罪以止威陰使時循以省東漸更以離通比下約以侵

實有生之名為君者有賢知之名有賞罰之實名實俱 至故福善公聞矣 然是故上下貴賤相畏以法相齒以和民之性有生之 伍官連縣而鄰謁過賞失過誅上之於下下之於上亦 鈁 定匹庫全書 / 卷十八

六聽不祭則無以責下言不督乎用則邪說當上言之 称言

物也以多信不然之物十人云疑百人然乎千人不

可解也內者言之疑辯者言之信姦之食上也取資乎

誣 論於已變之後以得毀譽公私之徵衆諫以效智使君 官收說大而誇則窮端故姦得而怒無故而不當為 生馬故無用之辯不留朝任事者知不足以治職則放 勢資下也有道之主聽言督其用課其功功課而賞罰 一聽之道人臣忠論以聞姦博論以內一人主不智 得資明主之道已喜則求其所納已怒則察其所構 而罪臣言必有報說必責用也故朋黨之言不上聞 La Alia IV 幹非子 九 誣

5

衆籍信乎辯而以類飾其私人主不屬忿而待合祭其

以設 諫必任其一語不得擅行必合其泰故姦無道進矣 自 取一以避罪故衆之諫也敗君之取也無副言於上 将然今符言於後以知謾誠明主之道臣不得兩

七官之重也母法也法之息也上闇也上闇無度則官

擅為官擅為故奉重無前奉重無前則徵多徵多故富

官之富重也亂功之所生也明主之道取於任能任

法

聽

賢於官能守官則賞於功言程主喜俱必利不當主怒

重禄爵禄所以赏也民重所以赏也則國治刑之煩也 其龍必在爵處官者母私使其利必在禄故民尊爵而 以給事而私無所生故民勞苦而輕官任事者毋重使 俱必害則人不私父兄而進其仇讐勢足以行法奉足

賞者有謝馬不足以勸罰者有譽馬不足以禁明主之

名之緣也賞譽不當則民疑民之重名與其重賞也均

所以禁也民畏所以禁則國治矣 八行義示則主威分慈仁聽則法制毀民以制畏上而 月白丰 類 柄

上以勢甲下故下肆狠觸 之政 以法難犯上而上以法挠慈仁故下明爱施而務 以是以法令愿尊私行以貳主威行財紋以 而榮於輕君之俗則主威分 賕

負務

聽之則亂治不聽則該主故君輕乎位而法亂乎


此之謂無常之國明主之道臣不得以行義成榮不


以盡能明詳譽以勸沮名號賞罰法令三隅故大臣有 難行不以顯馬故民無以私名設法度以齊民信賞罰 行則尊君百姓有功則利上此之謂有道之國也 以家利為功功名所生必出於官法法之所外雖有

於

色日

車全書





笑矣然則今有美克舜湯武禹之道於當今之世者必 世者必為縣禹笑矣有決瀆於殷周之世者必為湯或 世樂村暴亂而湯武征伐今有構木鑽燈於夏后氏之 世之事因為之備宋人有耕田者田中有株免走觸 有聖人作鑽燧取火以化腥臊而民說之使王天下號 曰燧人氏中古之世天下大水而絲禹决瀆近古之 新星笑矣是以星人不期修古在扶世不法常行 頭而死因釋其表而守株異復得免免不可復得而

爭是以厚賞不行重罰不用而民自治令人有五子不 聚而貨財寡事力勞而供養薄故民爭雖倍賞累罰而 類也古者丈夫不耕草木之實足食也婦女不織禽獸 為多子又有五子大父未死而有二十五孫是以人民 之皮足衣也不事力而養足人民少而財有餘故民不 食藜藿之羹冬日麂裘夏日葛衣雖監門之服養不虧 免於亂堯之王天下也茅茨不翦采禄不斷羈深之

飲定日車全書

幹非子

身為宋國笑今欲以先王之政治當世之民皆守林之

之是以人之於讓也輕辭古之天子難去今之縣令者 不足多也今之縣今一日身死子孫累世絜駕故人重 天子者是去監門之養而離臣房之勞也故傳天下而 不生毛雖臣屬之勞不告於此矣以是言之夫古之讓 機成之春幼弟不讓如弟可惜猶讓成之秋疏客处 厚之實異也夫山居而谷汲者腹臘而 此矣禹之王天下也身執耒南以為民先股無肢照 澤居告水者買庸而決實澤 相遺以水

高也勢薄也重爭土豪非下也權重也故聖人議多少 非仁也財多也今之爭奪非鄙也財寡也輕解天子非 食非疏骨內愛過客也多少之實異也是以古之易財 其害已也舉兵伐徐遂滅之故文王行仁義而王天下 方五百里行仁義割地而朝者三十有六國荆文王恐 方百里行仁義而懷西我遂王天下徐偃王處漢東地 也故事因於世而備適於事古者大王處豐鎬之間地 論薄厚為之政故罰薄不為慈誅嚴不為戾稱俗而行

偃王行仁義而喪其國是仁義用於古不用於今也故 非斯言所謂也遂舉兵伐魯去門十里以為界故偃王| 使子貢說之齊人曰子言非不辯也吾所欲者土地也 競於道德中世逐於智謀當今爭於氣力齊将攻魯魯 體是干戚用於古不用於今也故曰事異則備變上古 曰世異則事異當舜之時有苗不服禹将伐之舜曰不 乃服共工之戰鐵銛距者及乎敵鎧甲不堅者傷乎 上德不厚而行武非道也乃修教三年執干戚舞有

佐匹庫全書

使敵萬乗則齊荆之欲不得行於二國矣 非所以持國也去偃王之仁息子貢之智循徐魯之力 兼爱天下則視民如父母何以明其然也曰司寇行刑 猶無轡第而御駻馬此不知之患也今儒墨皆稱先王 夫古今異俗新故異備如欲以寬緩之政治急世之民 君為之不舉樂聞死刑之報君為流涕此所舉先王也 仁義而徐亡子貢辯智而魯削以是言之夫仁義辯智 以君臣為如父子則必治推是言之是無亂父子也

足可華全馬 一人

奚遽不亂令先王之爱民不過父母之爱子子未必不 役者七十人盖貴仁者寡能義者難也故以天下之大 人也修行明道以将海内海内說其仁美其義而為服 治亦明矣且民者固服於勢寡能懷於義仲尼天下聖 人之情性莫先於父母皆見爱而未必治也雖厚愛矣 刑者法也先王勝其法不聽其泣則仁之不可以為 效仁非以為治也夫垂治不欲刑者仁也然而不可 也則民奚遽治哉且夫以法行刑而君為之流涕此

服其勢也故以義則仲尼不服於哀公乗勢則哀公臣 則 服人故仲尼及為臣而哀公顧為君仲尼非懷其 可以王是求人主之必及仲尼而以世之凡民皆如 尼今學者之說人主也不垂必勝之勢而務行仁 面君國境內之民莫敢不臣民者固服於勢勢誠易 服役者上十人而為仁義者一人魯哀公下主也 為改鄉人誰之弗為動師長教之弗為變夫以父 也十此必不得之數也今有不才之子父母怒 韓非子 3.

懼變其節易其行矣故父母之爱不足以教子必待州 部之嚴刑者民固騙於愛聽於威矣故十仞之城樓季 百鎰故明主必其誅也是以賞莫如厚而信使民利之 母之爱鄉人之行師長之智三美加馬而然不動其脛 法而嚴其刑也布帛尋常庸人不釋樂金百鎰盗跖 能瑜者峭也干仞之山跛群易牧者夷也故明王峭 不改州部之吏操官兵推公法而求索姦人然後 定匹庫全書 1 极不必害則不釋尋常必害則手不 恐

之所加者相與悖謬也故法禁壤而民愈亂今兄弟被 之行成而君上之法犯矣人主尊貞庶之行而忘犯禁 髙其輕世也以其犯禁罪之而多其有勇也毀譽賞罰 以其耕作也賞之而少其家業也以其不收也外之而 俱盡其力矣今則不然其有功也爵之而早其士官也 主施賞不遷行誅無赦譽輔其賞毀隨其罰則賢不肖 罰莫如重而必使民畏之法莫如一而固使民知之故 必攻者廉也無問之人知友被辱題仇者貞也廉貞

.... J. J. ...

荒矣人主說賢能之行而 后兵弱地荒之禍則私行立 之罪故民程於勇而吏不能勝也不事力而衣食則謂 能不戰功而尊則謂之賢賢能之行成而兵弱而地 所以亂也夫離法者罪而諸先王以文學取犯禁者 定匹庫全書 / 公利減矣儒以文亂法侠以武犯禁而人主兼禮之

而羣侠以私劔養故法之所非君之所取吏之所誅

上之所養也法趣上下四相及也而無所定雖有十黃

帝不能治也故行仁義者非所譽譽之則害功工文學

者非所用用之則亂法楚之有直躬其父竊羊而謁之 仲尼問其故對曰吾有老父身死莫之養也仲足以為 觀之夫君之直臣父之暴子也魯人從君戰三戰三北 吏令尹曰殺之以為直於君而曲於父執而罪之以是 **尺已可見公子** → 必不幾矣古者蒼頡之作書也自環者謂之私背私謂 若是其異也而人主兼舉匹夫之行而求致社稷之福 孝舉而上之以是觀之夫父之孝子君之背臣也故令! 尹誅而楚姦不上聞仲尼賞而魯民易降此上下之利 韓非子

學行義修則見信見信則受事文學習則為明師為明 者不察之患也然則為匹夫計者莫如修行義而習文 之公公私之相背也乃蒼頡固以知之矣今以為同利 農距敵恃卒而貴文學之士廢敬上畏法之民而養游 禁為有政如此則國必亂主必危矣故不相容之事不 信廉爱之說堅甲厲兵以備難而美薦紳之飾富國以 兩立也斬敵者受賞而萬慈恵之行拔城者受爵禄而 則顯榮此匹夫之美也然則無功而受事無爵而顯 区月台 1

識之矣故糟糠不飽者不務梁內短褐不完者不待文 業而遊學者日衆是世之所以亂也且世之所謂賢者 俠私劔之屬舉行如此治强不可得也國平養儒俠難 所難知也今為泉人法而以上智之所難知則民無從 貞信之行也所謂智者微妙之言也微妙之言上智之 至用介士所利非所用所用非所 民間之事夫婦所明知者不用而慕上知之論則 夫治世之事急者不得則緩者非所務也今所治之 利是故服事者簡其

Œ

אים אין איים אין

於治及矣故微妙之言非民務也若夫賢良貞信之行 也奚待於不欺之士今貞信之士不盈於十而境內之 **欺之士令人主處制人之勢有一國之厚重賞嚴誅得** 者必待貴不與之士貴不與之士者亦無不與之術也 其柄以修明術之所燭雖有田常子罕之臣不敢我 衣相與交無富厚以相利無威勢以相懼也故求不

者寡而亂者衆矣故明主之道一法而不求智固術而

官以百數必任真信之士則人不足官人不足官則治

髙而不合於功故智士退處嚴穴歸禄不受而兵不免 舉先王言仁義者盈廷而政不免於亂行身者競於為 於弱政不免於亂此其故何也民之所譽上之所禮亂 不慕信故法不敗而羣官無姦許矣令人主之於言也 國之術也今境內之民皆言治蔵商管之法者家有之 功馬是以天下之衆其談言者務為辯而不周於用故 說其辯而不求其當馬其用於行也美其聲而不責其 而國愈貧言耕者衆執耒者寡也境內皆言兵蔵孫吳

足可華全書

戰之事也危而民為之者曰可得以貴也今修文學習 國無書簡之文以法為教無先王之語以吏為師無私 則人孰不為也是以百人事智而一人用力事智者眾 言談則無耕之勞而有富之實無戰之危而有貴之尊 從其上夫耕之用力也勞而民為之者曰可得以富也 之書者家有之而兵愈弱言戰者多被甲者少也故明 法敗用力者寡則國貧此世之所以亂也故明主之 用其力不聽其言賞其功必禁無用故民盡死力以

老十九

攻衆弱也皆非所以持國也今人臣之言衡者皆曰不 有事則兵强此之謂王資既畜王資而承敵國之豐 之言外事者非有分於從衡之黨則有仇雠之患而借 談者為勢於外外內稱惡以待强敵不亦殆乎故羣臣 五帝体三王者必此法也今則不然士民縱恣於內言 動作者歸之於功為勇者盡之於軍是故無事則國富 欽 定四庫全書 於國也從者合衆强以攻一弱也而衡者事一 **数** 非 九 九 一强以

劔之桿以斬首為勇是境內之民其言該者必軌於法

國危國危而主甲救小未必有實則起兵而敵大矣救 臣之言從者皆曰不救小而伐大則失天下失天下則 卑 璽而請兵矣獻圖則地削效璽則名甲地削則國削名 軍矣是故事强則以外權市官於內殺小則以內重 則軍敗退守則城 政亂矣事大為衡未見其利也而亡地亂政矣人 必能存而交大未必不有疏有疏則為强國制矣 ,拔救小為從未見其利而亡地

事大則遇敵受禍矣事大未必有實則舉圖而委地效

矣國地雖削私家富矣事成則以權長重事敗則以富 求利於外國利未立封土厚禄至矣主上雖甲人臣尊 矣事敗而弗誅則将說之士孰不為用賴繳之說而徼 者也而安則不可攻也强則能攻人者也治則不可攻 其後也皆曰外事大可以王小可以安夫王者能攻人 是人君不明乎公私之利不察當否之言而誅罰不必 倖其後故破國已主以聽言談者之浮說此其故何也 退處人主之於其聽說也於其臣事未成則爵禄已尊

足口車全書!

賈此言多資之易為工也故治强易為謀弱亂難為計 也治强不可責於外內政之修也今不行法術於內而 事智於外則不至於治强矣鄙諺曰長袖善舞多錢善 於從衛亡於衡也使周衛緩其從衡之計而嚴其境 用於秦者十變而謀希失用於燕者一變而計希得 用於秦者必智用於燕者必愚也盖治亂之資異也 周去秦為從春年而舉 衛離魏為衡半歲而亡是周

內之治明其法禁必其賞罰盡其地力以多其積致其

敵退則死於誅則危矣弃私家之事而必汗馬之勞家 傷大萬垂之國莫敢自頻於堅城之下而使强敵裁其 因而上弗論則窮矣窮危之所在也民安得勿避故事 民之故計皆就安利皆辟危窮今為之攻戰進則死於 治國者之過也智困於內而政亂於外則亡不可振 樊也此必不亡之術也含必不亡之術而道必滅之事 ,門而完解含解含完則遠戰遠戰則安行貨船而襲

足可華 全善!

韓非子

民死以堅其城守天下得其地則其利少攻其國則其

一戰之士則耿介之士寡而高價之民多矣是故亂國之 當塗者則求得求得則私安私安則利之所在安得勿 財貨賈得用於市則商人不少矣聚級倍農而不貴耕 習之請行則官爵可買官爵可買則商工不甲也矣姦 工将食之民少而名甲以寡趣本務而趨末作今世近 疑當世之法而貳人主之心其言古者為設許稱借 其學者則稱先王之道以籍仁義威容服而飾辯說 是以公民少而私人衆矣夫明王治國之政使其商

世之顯學儒墨也儒之所至孔子也墨之所至墨翟也 **貨路而用重人之謁退汗馬之勞其商工之民修治告** 節操以顯其名而犯五官之禁其近御者積於私門盡 顯學第五十 内雖有破亡之國削滅之朝亦勿怪矣 **旅之器聚沸靡之財蓄積待時而侔農夫之利此五者** 邦之靈也人主不除此五靈之民不養耿介之士則海

巴可華公書 一

韓非子

せ

於外力以成其私而遺社稷之利其帶劔者聚徒屬京

有孟氏之儒有漆雕氏之儒有仲良氏之儒有孫氏之 殷周七百餘歲虞夏二千餘歲而不能定儒墨之真今 同皆自謂真堯舜堯舜不復生將誰使定儒墨之誠乎 夫氏之墨有鄧陵氏之墨故孔墨之後儒分為八墨離 儒有樂正氏之儒自墨子之死也有相里氏之墨有相 自孔子之死也有子張之儒有子思之儒有顏氏之儒 誰使定後世之學乎孔子墨子俱道堯舜而取舎不 三取舎相及不同而皆自謂真孔墨孔墨不可復生

飲定四庫全書一人 毀扶杖世主以為孝而禮之夫是墨子之儉將非孔子 喪三月世以為儉而禮之儒者破家而葬服喪三年上 弗受也墨者之葬也冬日冬服夏日夏服桐棺三寸服 条驗而必之者 愚也弗能必而據之者誣也故明據先 在儒墨而上兼禮之漆雕之議不色撓不目逃行曲則 之侈也是孔子之孝將非墨子之處也令孝展侈儉俱 王必定堯舜者非愚則誣也愚誣之學樣及之行明主 乃欲審堯舜之道於三千歲之前意者其不可必乎無

禁之寬將非漆雕之暴也今寬應恕暴俱在二子人主 違於臧獲行直則怒於諸侯世主以為廣而禮之宋祭 海内之士言無定術行無常儀夫永炭不问器而久寒 以為寬而禮之夫是漆雕之庶將非宋榮之恕也是宋 子之議設不關爭取不隨仇不羞图图見侮不辱世主 而禮之自愚誣之學襟及之解爭而人主俱聽之故

暑不兼時而至旗及之學不两立而治今兼聽旗學終

同異之辭安得無亂乎聽行如此其於治人又必然

儉 費其智而高其行以為輕物重生之士也夫上所以陳 富人以布施於貧家是奪力儉而與侈懂也而欲索民 矣今世之學士語治者多曰與貧窮地以實無資今夫 處軍旅不以天下大利易其脛一毛世主必從而禮 非侈則墯也侈而墯者貧而力而儉者富今上徵斂於 人相善也無豐年旁入之利而獨以完給者非力則 也與人相善也無餘鐘疾疾禍罪之殃獨以貧窮 而節用不可得也今有人於此義不入危城不 1. 1.15 T 幹非子 五

良田大定設爵禄所以易民死命也令上尊貴輕物重 生之士而索民之出死而重狗上事不可得也蔵書策 金 習談論聚徒役服文學而議說世主必從而禮之曰敬 皮四厚全書 |■ 整十九

賢士先王之道也夫吏之所稅耕者也而上之所養學

也耕者則重稅學士則多賞而索民之疾作而少言

賞而家鬭之勇尊顯而索民之疾戰距敵而無私關不

劔世主必從而禮之以為 自好之士夫斬首之勞不

不可得也立節參明執操不侵怨言過於耳必隨之

其端今以為是也而弗布於官以為非也而不息其端 是其言宜布之而官用其身若非其言宜去其身而息 所用者非所養此所以亂也且夫人主之聽於學也若 可得也國平則養儒侠難至則用介士所養者非所 日以容取人乎失之子羽以言取人乎失之宰予故以 也仲尼幾而取之與處久而行不稱其貌字子之辭雅 文也仲尼幾而取之與處久而智不充其辯故孔子 而不用非而不息亂亡之道也澹臺子羽君子之容

定四車全書一人

.解非子

仲尼之智而有失實之聲今之新辯濫乎字子而世主 之官職課其功伐則庸人不疑於愚智故明主之吏室 發齒吻形容伯樂不能以必馬授車就駕而觀其京塗 長平之禍此二者任辯之失也夫視鍛錫而察青黃區 魏任孟卯之辯而有華下之患趙任馬服之辯而有 聽眩乎仲尼為悦其言因任其身則馬得無失乎是 職養不疑為良觀容服聽解言仲尼不能以必士試 不能以必劔水擊鵠雁陸斷駒馬則減獲不疑鈍利

官職治王之道也磐石千里不可謂富象人百萬不可 栗泉人不可使距敵也今商官技藝之士亦不墾而食 禄厚而愈勸遷官襲級則官職大而愈治夫爵禄大而 不使與象人同事也夫禍知磐石象人而不知禍商官 地不墾與磐石一貫也儒俠母軍勞顯而崇者則民 强石非不大數非不衆也而不可謂富强者磐不生

必起於州部猛將必發於卒伍夫有功者必賞則爵

足四車全書一

朝非子

十七

俠為不墾之地不使之民不知事類者也故敵國之

之可以禁暴而德厚之不足以止亂也夫聖人之治國 無天恃自園之木干世無輪矣自直之箭自園之木百 必使執禽而朝是故力多則人朝力寡則朝於人故明 用眾而舍寡故不務德而務法夫必恃自直之箭百世 不恃人之為吾善也而用其不得為非也恃人之為吾 君務力夫嚴家無悍勇而慈毋有敗子吾以此知威勢 君王雖說吾義吾弗入貢而臣関內之矣雖非吾行吾 也境內不什數用人不得為非一國可使齊為治也

故有術之君不隨適然之善 世無有一然而世皆垂車射禽者何也隱括之道用 何 民明主弗貴也何 則垂者非一人射者非一發也不恃賞罰而恃白善 有不恃隱括而有自直之箭自國之木良工弗貴也 人曰使子必智而專則世必以為狂夫智性也壽 則國法不可失而所治非一人 偶適 然然 也謂 而 行必然之道今

此世之所以謂之為狂也謂之不能然則是諭也夫諭

也性命者非所學於人也而以人之所不能為說

定四庫全書

韓非子


法之事不察姦邪之情而皆道上古之傳譽先王之成 故善毛嫱西施之美無益吾面用脂澤粉黛則倍其初 而 之脂澤粉黛也故明主急其助而緩其頌故不道仁義 言先王之仁義無益於治明吾法度必吾賞罰者亦國 今巫祝之祝人曰使若干歲萬歲千歲萬歲之聲括耳 說人主不言今之所以為治而語已治之功不審官 也以仁義教人是以智與壽說也有度之主弗受也 日之壽無徵於人此人所以簡巫祝也今世儒者

心而可以為治則是伊尹管仲無所用也將聽民而 必一人抱之慈母治之然猶啼呼不止嬰兒子不知 矣民智之不可用猶嬰兒之心也夫嬰兒不剔首則 度之主不受也故明主舉實事去無用不道仁義者故 不聽學者之言今不知治者必曰得民之心欲得民之 功 所小告致其所大利也今上急耕田墾草以厚民産 者飾解曰聽吾言則可以霸王此說者之巫祝 也治 不樹座則寢益 清謂 之瘫 捆也 騙騙 也威 剔首 捌 腹


定日車全書一人

- 韓非子

賦 以受 錢栗以實倉庫且以救饑饉備軍旅也而以上為貪 為民知之不足師用告禹决江濬河而民聚克 此四者所以治安也而民不知悅也夫求聖通之 内 子產開 諺夫民智之不足用 期適民皆亂之端未可與為治也 教戰陣関士卒并力疾 以上為酷修刑重罰以為禁邪也而以上為嚴徵 弘樹桑鄭人謗訾禹利天下子産存鄭旨 亦明矣故舉士而求賢智為 關所以禽屬也而以上為 石



	韓非子老十九
老子力	1 5 E 1 2 - 7



臣者能明法辟治官職以戴其君者也今堯自以為明 之道而審行之是以天下亂皆以堯舜之道為是而法 至今不治者也夫所謂明君者能畜其臣者也所謂賢 湯武人臣而弑其主刑其尸而天下譽之此天下所以 世之教者也堯為人君而君其臣舜為人臣而臣其君 天下皆以孝悌忠順之道為是也而莫知察孝悌忠順 以有亂君有曲父堯舜汤武或及君臣之義亂

图图图

不能以畜舜舜自以為賢而不能以戴堯湯武自以

為義而就其君長此明君且常與而賢臣且常取也故 奪子氏於宋此皆賢且智也豈愚且不肖乎是廢常 易也則人主雖不肯臣不敢侵也今夫上賢任智無常 治三者逆則天下亂此天下之常道也明王賢臣而弗 送道也而天下常以為治是故田氏奪吕氏於齊戴氏 也臣之所聞曰臣事君子事父妻事夫三者順則天 國者矣父而讓子君而讓臣此非所以定位一教之首 至今為人子者有取其父之家為人臣者有取其君之

钦定四車全書

韓非子

瞽瞍其容造馬造愁孔子曰當是時也危哉天下友友 賢則亂舍法任智則危故曰上法而不上賢記曰舜見 樂之君之所以欲有賢臣者國亂則治之主卑則尊之 為父子耶父之所以欲有賢子者家貧則富之父苦則 有道者父国不得而子君固不得而臣也臣日孔子本 有賢子而不為父則父之處家也苦有賢臣而不 知孝悌忠順之道也然則有道者進不為臣主退不 君之處位也危然則父有賢子君有賢臣適足以

義仁義無有不可謂明詩云普天之下莫非王土率土 為家是進則非其君退則非其親者也且夫進不臣君 賢而危主者也而天下賢之古之烈士進不臣君退不 親今舜以賢取君之國而湯武以義放武其君此皆以 為害耳豈得利哉馬所謂忠臣不危其君孝子不非 退不為家亂世絕嗣之道也是故賢堯舜湯武而是烈 殺之放父殺弟不可謂仁妻帝二女而取天下不可謂 士天下之亂術也瞽瞍為舜父而舜放之象為舜弟而

E

車全書

韓非子

世而不治是也世之所為烈士者雖衆獨行取異於人 水火使天下從而效之是天下偏死而願天也此皆 嗣 臣其父妾其母妻其主女也故烈士內不為家亂世紀 之濱莫非王臣信若詩之言也是舜出則臣其君入則 而外矯於君朽骨爛肉施於土地流於川谷不避 他無法之言也言出於無法數出於無用者天下謂 恬淡之學而理恍惚之言臣以為恬淡無用之教 蹈 釋 北

之察臣以為人生必事君養親事君養親不可以恬淡

欽 必以言論忠信法術言論忠信法術不可以恍惚恍 養子孫臣妄是誹謗其親者也為人臣常察先王之徳 之言恬淡之學天下之萬術也孝子之事父也非競 毋譽涉武之伐毋言烈士之髙盡力守法專心於事主 而常譽他人之親曰某子之親夜寢早起强力生財以 父之家也忠臣之事君也非競取君之國也夫為人子 定四庫全書一人 君者天下賢之此所以亂也故人臣母稱堯舜之賢 而願之是誹弱其君者也非其親者知其不孝而 取

今民儇詞智慧欲自用不聽上上必且勒之以賞然後 為量治也者治常者也道也者道常者也殆物妙言治 天下而無以天下為者許由是也已有天下而無以 下賞不足以勸盗跖犯刑赴難罰不足以禁臣曰未 可進又且畏之以罰然後不敢退而世皆曰許由讓 者為忠臣古者點首悦家蠢愚悦 下為者堯舜是也毀廉求財犯刑趨利忘身之死者盗 是也此三者殆物也治國用民之道也不以此二者 貌忘 故可以虚名取也 夭 有

横諸侯言從者曰從成必霸而言横者曰横成必王山 立者虚言非所以成治也王者獨行謂之王是以三 不可以為刑禁也然為太上士不設賞為太下士不設 之害也天下太平之士不可以賞勸也天下太平之士 不務離合而正五霸不待從横而察治內以裁外而已 東之言從橫未當一日而止也然而功名不成霸王不 則治國用民之道失矣故世人多不言國法而言從

-)

.

1.5

韓非子

五

貴者無法而擅行操國柄而便私者也所謂威者擅權 勢而輕重者也此二者不可不察也夫馬之所以能任 人主之所以身危國已者大臣太貴左右太威也所謂 重引車致遠道者以筋力也萬乗之主千乗之君所以 人主第五十二 灾 四月至言 卷二十

制

也今大臣得威左右擅勢是人主失力人主失力而能

天下而征諸侯者以其威勢也威勢者人主之筋力

國者千無一人虎豹之所以能勝人執百獸者以其

重大臣左右權勢息則人主之道明矣今則不然其當 身死國已今無術之主皆明知宋簡之過也而不悟 失不察其事類者也且法術之士與當途之臣不相 其爪牙於子罕簡公失其爪牙於田常而不蚤奪之故 人主之爪牙也君人而失其爪牙虎豹之類也宋君失 也何以明之主有術士則大臣不得制斷近習不敢賣

欴

定四車全書一个

韓非子

之臣得勢擅事以環其私左右近習朋黨比周以制

爪牙也而使虎豹失其爪牙則人必制之矣今勢重者

池 術之士安能蒙死亡之危而進說乎此世之所以 疏遠則法術之士奚時得進用人主奚時得論裁故有 明王者推功而爵禄稱能而官事所舉者必有賢 能退大臣之議而背左右之訟獨合乎道言也則 不必用而勢不兩立法術之士馬得無危故君人者 必 距敵將宦之士馬得無撓於私門而務於清潔矣 有能賢能之士進則私門之請止矣夫有功者 有能者處大官則私級之士安得無離 私勇 不 法 所 治

智人主之於人也或有所知而聽之入因與近習論 行聽其言而不用賢是與不肖論賢也故智者次策於 賢人主之於人或有所賢而禮之入因與當途者論其 言聽近習而不計其智是與愚論智也其當途者不必 此所以聚賢能之士而散私門之屬也今近習者不 愚人賢士程行於不肯則賢智之士奚時得用而人主 剖其心子胥忠直夫差而誅於屬鏤此三子者為人 明塞矣告闋龍逢說禁而傷其四肢王子比干諫於

Þ

de also I

韓非子

飾 術之士聽愚不肯之臣則賢智之士孰敢當三子之危 察賢智之言而蔽於愚不肖之患也今人主非肯用法 飾令第五十三 而 臣非不忠而說非不當也然不免於死亡之患者主不 進其智能者乎此世之所以亂也 令則法不遷法平則吏無姦法已定矣不以善言售 定焦条 功則民少言任善則民多言行法曲斷以五里 者王也以九里斷者强馬五宿治者削然後斷以九里斷者强馬五宿治者削 斷

卷二十

以言去言以功與爵者也故國多力而天下莫之能 國 國以功授官與爵此謂以成智謀以威勇戰其國無敵 則 欽 兵出必取 以功授官與爵則治見者省言有塞此謂以治去 以栗 定四庫全書 無姦市物多末衆農強姦勝則國必削民有餘食 則也 出爵必以其力則震不怠三寸之管母當不可 必若 削委 可多 取 置 必能有之按兵不攻必當朝廷之事 以刑治以賞戰厚禄以用術國無姦民 满然 也當 授官爵出利禄不以功是無當也 **长韓** 二十子 治 侵

空者其兵半用利出十空者民不守重刑明民大制使 故莫爭言此謂易攻重刑少賞上爱民民死賞多賞輕 數治以力攻者出一取十以言攻者出十喪百國好 此謂以難攻國好言此謂以易攻其能勝其害輕其 者不相干故莫訟使士不無官故枝長使人不同功 而道壞餘力於心莫負無官之責於君內無伏然使 上不爱民民不死賞利出一空者其國無敵利出二 不毀效功取官爵廷雖有辟言不得以相干也是謂

必削 故治民者刑勝治之首也賞繁亂之本也夫民之性喜 聖人之治民度於本不從其欲期於利民而已故其與 心度第五十四 而不親其法故明主之治國也明賞則民勸功嚴刑 非所以惡民爱之本也刑勝而民静賞繁而姦生

3

J. J. S.

韓非子

刑去刑罪重而刑輕刑輕則事生此謂以刑致刑其國

人則上利行刑重其輕者輕者不至重者不來此謂

明 者禁姦於未前而用兵者服戰於民心禁先其本者治 則 國 民親法勸功則公事不犯親法則姦無所的故治民 灾 亦有權有政積而 上重一政而國治故法者王之本也刑者愛之自也 匹 其心者勝聖人之治民也先治者强先戰者勝 者政也主之所以尊者權也故明 而 務先而一民心專舉公而 戽 治 不煩能用四者 丰 不 卷二 同 强不能 其所以立異也 私不 用四 從賞告而 者 君 八有權有政 故 弱夫國之 明 姦不 君 所 亂

幾而治也故治民無常唯治為法法與時轉則治治與 世宜則有功故民樸而禁之以名則治維之以 賞刑不行於天下者必塞故欲舉大功而難致力者 治民也法與時移而禁與治變能越力於地者富能起 功不可幾而舉也欲治其法而難變其故者民亂不可 夫民之性惡勞而樂佚供則荒荒則不治不治則亂 於敵者强强不塞者王故王道在所開在所塞塞其 移而治不易者亂能治泉而禁不變者削故聖人之 di dis 🎒 韓非子 刑 則

9 5

也 故立國用民之道也能閉外塞私而上自恃者王可致 之治國也適於不亂之術貴爵則上重故賞功爵任 不事力而恃私學者其爵賤爵賤則上甲上甲者必削 不亂而治立者削恃其不可亂而行法者與故賢 者必王故王術不恃外之不亂也恃其不可亂也恃 灾 無所関好力者其爵貴爵貴則上尊上尊則必王國 分第五十五 四月白世 而

夫國治則民安事亂則邦危法重者得人情禁輕者失 也故治亂之理宜務分刑賞為急治國者莫不有法然 失者刑賞失也其治民不秉法為善也如是則是無法 刑罰上掌好惡以御民力事實不宜失矣然而禁輕事 於天下者也是以君人者分爵禄制則法必嚴以重之 以致其所欲而好惡者上之所制也民者好利禄而惡 事實且夫死力者民之所有者也人情莫不出其死力 Zr dulo 韓非子

夫凡國博君尊者未當非法重而可以至乎令行禁止

道奈何其務今之相規其情者也則使相關奈何曰盖 務是何也其法通乎人情關乎治理也然則去做姦之 也是以其民重法而畏禁顏母抵罪而不敢胥賞故 相坐而已罪 待刑賞而民從事矣是故夫至治之國善以止姦為 有分有持以異為分不可謂分至於察君之分獨分 有存有亡亡者其制刑賞不分也治國者其刑賞莫 恐不得免有姦心者不令得忘闕者多也如此則慎 灾 四月五十三 | 相有 坐罪 巻二十 禁尚有連於已者理不得 柏 闚 日


兵公行乎其地而弗能圉禁者任人而 也攻人者數也故有術之國去言而 的者難知過刑之於言者難見也是以刑賞感乎貳 之國不用譽而得人之情境內必治 而關彼發姦之容告過者免罪受賞失姦者必誅連 如此則姦類發矣姦不容細私告任坐使然也 循約難知者姦功也臣過之難見者失根也循 故保 坐夫治法之至明者任數不任人是以 無數也自攻 任 任數也亡國 法凡畸功 也任 使 者 有 同保


鈫


定四庫全書一八


く 幹 斗 子

量量之失非法使然也法定而任慧也釋法而任慧者 虚士立名於內而談者為畧於外故愚怯勇慧相連而 則 刑安得無煩是以賞罰擾亂邦道差誤刑賞之不分白 以虚道屬俗而容乎世故其法不用而刑罰不加乎像 不見虚功度情說乎姦根則二者安得無兩失也是以 受事者安得其務務不與事相得則法安得無失而 如此則刑賞安得不容其二故實有所至而理失其









磨録舉人臣羅步雲 教對官庶吉士臣戴心亨



